

Bosna i Hercegovina
Federacija Bosne i Hercegovine

KANTON SARAJEVO
Kantonalna javna ustanova
za zaštićena prirodna područja



Bosnia and Herzegovina
Federation of Bosnia and Herzegovina

CANTON SARAJEVO
Cantonal Public Institution
for Protected Natural Areas

**PROGRAM RADA SA FINANSIJSKIM PLANOM
KANTONALNE JAVNE USTANOVE ZA ZAŠTIĆENA PRIRODNA PODRUČJA
ZA 2017. GODINU**

Sarajevo april/travanj 2017. godine

Pripremili:	Kontrolisao
Elma Karović, stručni rukovodilac za zaštićena prirodna područja <i>Elma Karović</i> Emira Sadiković, stručni saradnik za pravne poslove Azra Pindžo, stručni saradnik za ekonomske poslove <i>Emira Sadiković</i> <i>Azra Pindžo</i>	DIREKTOR mr. sci. Osman Delić
Upravni odbor KJU za zaštićena prirodna područja	Utvrđuje se
Isanović Sanja, predsjednik	

Sadržaj:

I UVODNI DIO	4
II NORMATIVNI DIO	5
2.1. Prijedlog odluke o izmjenama Pravila Kantonalne javne ustanove za zaštićena prirodna područja	5
2.2. Privremene upravljačke smjernice za Zaštićeni pejzaž "Bentbaša"	5
2.3. Prijedlog pravilnika o arhivskom poslovanju	5
2.4. Prijedlog pravilnika o ocjenjivanju i unapređenju radnika	6
2.5. Prijedlog pravilnika o korištenju vlastitih prihoda rokova i načina raspodjele	6
III TEMATSKI DIO	6
3.1. Plan nabavke robe, usluga i radova za 2017. godinu	7
3.2. Izrada Programa zaštite, očuvanja, korištenja i promocije zaštićenih područja za 2017. godinu	8
3.3. Oprativni plan zaštite od požara za 2017. godinu	7
3.4. Realizacija projekata/aktivnosti koje su odobrene od strane drugih institucija	7
IV KONTINUIRANI POSLOVI	9
4.1. Zaštita, održavanje i očuvanje prirodnih vrijednosti	9
4.1.1. Stručna istraživanja, studije i monitoring	10
4.2. Razvoj održivog turizma	11
4.2.1. Razvoj infrastrukture u zaštićenim područjima	11
4.2.2. Održavanje infrastrukture u zaštićenim područjima	13
4.2.3. Obilježavanje značajnih ekoloških datuma na zaštićenim područjima	13
4.3. Redovne aktivnosti	14
4.3.1. Evidentiranje i izvještavanje	14
4.3.2. Izrada projekata	15
4.3.3. Stručno obrazovanje i usavršavanje	15
5.0 Godišnji obračun Javne ustanove za 2016. godinu	15
6.0 Izvještaj o radu i finansijskom poslovanju Javne ustanove za 2016. godinu	15
7.0 Priprema materijala i organizacija sjednica organa upravljanja i organa nadzora	16

8.0 Nacrt programa rada Javne ustanove za 2018. godinu..... 16

9.0 Finansijski plan Kantonalne javne ustanove za zaštićena prirodna područja za 2017.godinu18ERROR!
BOOKMARK NOT DEFINED.

Na osnovu člana 27. Zakona o ustanovama („Službeni list R BiH“, br. 6/92, 8/93 i 13/94), člana 26. Pravila Kantonalne javne ustanove za zaštićena priroda područja i odredbi Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, br. 29/12 i 11717), Upravni odbor Kantonalne javne ustanove za zaštićena prirodna područja na petoj redovnoj sjednici održanoj dana 03.05.2017. godine utvrdio je

PROGRAM RADA KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2017. GODINU

I UVODNI DIO

Program rada Kantonalne javne ustanove za zaštićena prirodna područja za 2017. godinu je pripremljen po metodologiji utvrđenoj u Odluci o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa. Program rada je usklađen sa raspoloživim finansijskim sredstvima koji su utvrđeni u Budžetu Kantona Sarajevo za tekuću godinu, ostvarenim i planiranim vlastitim prihodima kao i odobrenim finansijskim sredstvima po apliciranim projektima. Programska orijentacija sadržana u ovom programu usklađena je s Programom rada Ministarstva prostornog uređenja, građenja i zaštite okoliša Kantona Sarajevo, a koji se odnosi na rad Javne ustanove.

Javna ustanova je osnovana po Zakonu o ustanovama i svoju djelatnost obavlja u skladu sa Zakonom o zaštiti prirode. Godišnji program rada čine:

- plan i program aktivnosti i mjera zaštite, održavanja, očuvanja, promocije i korištenja zaštićenih prirodnih područja;
- finansijska sredstva planirana za njihovo ostvarenje.

Na području Kantona Sarajevo zakonom su zaštićena četiri područja, u dvije kategorije zaštite: dva spomenika prirode (Skakavac i Vrelo Bosne) i dva zaštićena pejzaža (Bijambare i Trebević). Zaštićena područja čine 2,31% površine Kantona Sarajevo.

Djelatnost Javne ustanove je javna.

Evaluacija programskih zadataka se vrši periodičnim analizama rada Javne ustanove i službi pojedinačno, te mjesečnog izvještavanja o utrošku finansijskih sredstava kako bi se eventualni problemi u radu rješavali blagovremeno i na zadovoljavajući način.

II NORMATIVNI DIO

2.1.

Naziv propisa

koji se donosi: **Prijedlog odluke o izmjenama Pravila Kantonalne javne ustanove za zaštićena prirodna područja**

Predlagač: Javna ustanova

Organ koji razmatra

/ donosi: Upravni odbor/Vlada Kantona Sarajevo

Rok: u roku od 30 dana nakon stupanja na snagu Zakona o proglašenju Zaštićenog pejzaža "Bentbaša"

Kratak sadržaj:

Nakon donošenja Zakona o proglašenju Zaštićenog pejzaža „Bentbaša“ i dopuna Odluke o osnivanju Kantonalne javne ustanove za zaštićena prirodna područja, izvršit će se usklađivanje Pravila Javne ustanove sa navedenim propisima.

2.2.

Naziv propisa

koji se donosi: **Privremene upravljačke smjernice za Zaštićeni pejzaž "Bentbaša"**

Predlagač: Javna ustanova

Organ koji razmatra

/ donosi: Upravni odbor/ Ministarstvo prostornog uređenja, građenja i zaštite okoliša

Rok: u roku od 30 dana nakon stupanja na snagu Zaštićenog pejzaža "Bentbaša"

Kratak sadržaj:

Nakon donošenja Zakona o proglašenju Zaštićenog pejzaža „Bentbaša“, Javna ustanova će predložiti Upravnom odboru na razmatranje i donošenje Privremenih upravljačkih smjernica za Zaštićeni pejzaž „Bentbaša“ po proceduri utvrđenoj odredbama Zakona o zaštiti prirode („Službene novine Federacije BiH“, broj 66/13).

2.3.

Naziv propisa

koji se donosi: **Prijedlog pravilnika o arhivskom poslovanju**

Predlagač: Javna ustanova

Organ koji razmatra

/ donosi: Upravni odbor

Rok: u toku godine

Kratak sadržaj:

Tokom dugogodišnjeg obavljanja poslova u Javnoj ustanovi, ukazala se potreba za izradom i donošenjem Pravilnika o arhivskom poslovanju sa pripadajućom listom kategorija registraturne građe sa rokovima čuvanja, a sve u skladu sa Zakonom o arhivskoj građi ("Službene novine

Federacije BiH", broj 45/02) i Uredbom o organizovanju i načinu vršenja poslova u pravnim licima ("Službene novine Federacije BiH", broj 52/03).

2.4.

Naziv propisa

koji se donosi: Prijedlog pravilnika o ocjenjivanju i unapređenju radnika u Kantonalnoj javnoj ustanovi za zaštićena prirodna područja

Predlagač: Javna ustanova

Organ koji razmatra

/ donosi: Upravni odbor

Rok: u toku godine

Kratak sadržaj:

Javna ustanova pristupit će izradi Pravilnika o ocjenjivanju i unapređenju radnika nakon što Ministarstvo pravde i uprave Kantona Sarajevo donese Pravilnik kojim će se propisati kriterije za ocjenjivanje i nagrađivanje državnih službenika.

2.5.

Naziv propisa

koji se donosi: Prijedlog pravilnika o korištenju vlastitih prihoda rokova i načina raspodjele

Predlagač: Javna ustanova

Organ koji razmatra

/ donosi: Upravni odbor/Ministarstvo finansija Kantona Sarajevo/Ministarstvo prostornog uređenja, građenja i zaštite okoliša Kantona Sarajevo

Rok: u roku od 30 dana od dana stupanja na snagu Uredbe

Kratak sadržaj:

Javna ustanova će pripremiti Prijedlog pravilnika o korištenju vlastitih prihoda, rokova i načina raspodjele radi usklađivanja sa novom Uredbom Vlade Kantona Sarajevo o utvrđivanju vlastitih prihoda, načina i rokova raspodjele ("Službe novine Kantona Sarajevo", broj 51/16).

III TEMATSKI DIO

3.1.

Naziv materijala: Plan nabavke robe, usluga i radova za 2017. godinu

Nosilac pripreme: Javna ustanova

Rok za pripremu: u roku od 60 dana od dana usvajanja Budžeta Kantona Sarajevo za 2017. godinu

Organ koji razmatra: Nadzorni odbor/Upravni odbor

Kratak sadržaj:

Pripremit će se Plan nabavke za 2017. godinu u skladu sa Zakonom o javnim nabavkama BiH („Službeni glasnik BiH“, broj 39/14) i podzakonskim aktima i dostaviti Nadzornom odboru na razmatranje te Upravnom odboru na razmatranje i donošenje.

3.2.

Naziv materijala **Program zaštite, očuvanja, korištenja i promocije zaštićenih područja za 2017.godinu**

Nosilac pripreme: Javna ustanova

Rok za pripremu: tokom 2017.godine

Organ koji razmatra: Upravni odbor

Kratak sadržaj:

Javna ustanova će shodno odredbama Zakona o zaštiti prirode („Službene novine Federacije BiH“, broj 66/13) izvršiti pripremu Programa zaštite, očuvanja, korištenja i promocije zaštićenih područja na godišnjem nivou radi efikasnijeg provođenja planova upravljanja zaštićenih prirodnih vrijednosti.

3.3.

Naziv materijala: **Oprativni plan zaštite od požara za 2017. godinu**

Nosilac pripreme: Javna ustanova.

Rok za pripremu: tokom 2017. godine

Organ koji razmatra: Upravni odbor

Kratak sadržaj:

Javna ustanova će u skladu odredbama Pravilnika o sadržaju planova za zaštitu šuma od požara („Službene novine Kantona Sarajevo“, broj 31/12) pripremiti Operativni plan zaštite od požara za zaštićena prirodna područja za 2017. godinu, te nakon što ga usvoji Upravni odbor dostaviti Ministarstvu privrede Kantona Sarajevo-Upravi za šumarstvo na znanje.

3.4.

Realizacija projekata/aktivnosti koje su odobrene od strane drugih institucija

3.4.1. Naziv projekta: “Razvoj turističke infrastrukture na prostorima zaštićenih prirodnih područja Kantona Sarajevo” odobren

Nosilac pripreme: Javna ustanova

Rok za realizaciju: tokom 2017. godine

Organ koji razmatra: Upravni odbor

Kratak sadržaj:

Cilj projekta je da se izvrši uređenje zaštićenih prirodnih područja u smislu unapređenja i razvoja turizma i rekreacije.

U tom pravcu planirana je izgradnja i uspostava jedne od glavnih planinskih – turističkih šetnica na prostoru Spomenika prirode „Skakavac“, kao i plansko postavljanje šumskog/parkovskog

mobilijska u okviru sva četiri zaštićena područja koja su pod formalno pravnom zaštitom u Kantonu Sarajevo.

Sredstva za sufinansiranje projekta su odobrena i uplaćena u 2016. godini od strane Federalnog ministarstva okoliša i turizma.

3.4.2. Naziv aktivnosti: "Elektrifikacija Zaštićenog pejzaža Bijambare"

Nosilac pripreme: Javna ustanova/Zavod za izgradnju Kantona Sarajevo

Rok za realizaciju: tokom 2017. godine

Organ koji razmatra: Upravni odbor

Kratak sadržaj:

Cilj aktivnosti je elektrifikacija dijela zaštićenog područja i međusobno povezivanje pojedinih lokaliteta i postojećih objekata unutar samog prostora. Planiranjem adekvatnog osvjetljenja na uspostavljenim komunikacijama na dijelu prostora koji je predviđen za turističke posjete poboljšat će se i sama turistička ponuda ovog područja.

Sredstva za finansiranje projekta su odobrena i uplaćena u 2016. godini od strane Vijeća ministara Bosne i Hercegovine.

3.4.3. Naziv projekta: "Inventarizacija, populacijski i zdravstveni status velikih zvijeri i drugih vrsta na području Spomenika prirode Skakavac"

Nosilac pripreme: Javna ustanova

Rok za realizaciju: tokom 2017. godine

Organ koji razmatra: Upravni odbor

Kratak sadržaj:

Pomenuti projekat bi se realizovao u saradnji sa Veterinarskim fakultetom Univerziteta u Sarajevu koji je kao kvalifikovana institucija sa relevantnim iskustvima iz ove oblasti sačinio i projektni zadatak.

Cilj projekta je provesti inventarizaciju, populacijski i zdravstveni status velikih zvijeri (medvjedi, vukovi) i drugih vrsta na području spomenika prirode "Skakavac". Na osnovu utvrđenog cilja provele bi se i aktivnosti na provođenju edukacije interesnih skupina, organizacija predavanja i javnih tribina, kao i izrada promotivnog materijala i objava rezultata istraživanja u naučnim časopisima.

3.4.4. Projekat Javne ustanove u procesu apliciranja prema EU fondovima -Program prekogranične saradnje Danube Transnational Programme

Naziv projekta: "Usluge ekosistema kraških zaštićenih područja - pokretačka snaga lokalnog održivog razvoja ("Ecosystem services of karst protected areas – driving force of local sustainable development ECO KARST")"

Nosilac pripreme: Javna ustanova

Rok za realizaciju: 2017- 2019. godine

Organ koji razmatra: Upravni odbor

Kratak sadržaj:

Glavni cilj projekta je doprinos zaštiti i održivom razvoju kraških biokoridora na osnovu njihove vrijednosti usluga ekosistema. Iz ovog cilja proističu specifični ciljevi kao što su efikasno upravljanje kraškim biokoridorima kroz razvoj praktičnog znanja, lokalna valorizacija usluga ekosistema, poboljšanje lokalnog socio-ekonomskog razvoja (LSD) na zaštićenim područjima kraških biokoridora, a koja se temelji na održivom korištenju usluga ekosistema.

IV KONTINUIRANI POSLOVI

Na osnovu Zakona o zaštiti prirode, Upravitelj planira kontinuiranu realizaciju planova upravljanja, s ciljem stvaranja pretpostavki za održivo upravljanje i bogatiju turističku ponudu zaštićenih prirodnih područja.

4.1. Zaštita, održavanje i očuvanje prirodnih vrijednosti

Očuvanje zaštićenih prirodnih vrijednosti bazira se na zakonom propisanim uslovima i mjerama zaštite, kao i dopuštenim aktivnostima u zaštićenim područjima.

Planirane aktivnosti za livadske, vodne i šumske ekosisteme u 2017. godini odvijajuće se u skladu sa ustaljenim procedurama koje su definisane zakonskim i podzakonskim propisima.

U 2017. godini predviđaju se aktivnosti na zaštiti, održavanju i očuvanju prirodnih vrijednosti:

- Nadzor zdravstvenog stanja šuma i monitoring brojnosti insekata koji narušavaju stabilnost sastojina,
- Sanitarna sječa na zaštićenim područjima,
- Poslovi na prihranjivanju i održavanju hranilišta i solila za divljač,
- Provođenje protivpožarne zaštite,
- Košenje livada i monitoring pojave sukcesije i invazivnih vrsta,
- Čišćenje vodnih površina od organskog i neorganskog otpada, kao i čišćenje taložnih slivnika i separatora na polaznim fijakerskim stajalištima,
- Održavanje putnih komunikacija u zaštićenim područjima,
- Poslovi neposrednog nadzora u zaštićenim područjima.

Za realizaciju gore navedenih aktivnosti zaduženi su nadzornici prirode i stručni saradnici Javne ustanove.

Nadzornici prirode će pratiti eventualne promjene prirodnih vrijednosti, preduzimati preventivne mjere zaštite (dežure na terenu vezane za sprečavanje pojave bespravnih sječa, krivolova, pojave požara i sl.), vršiti nadzor nad odnosima korisnika u obavljanju svojih aktivnosti u područjima, davati informacije o području i sl.

4.1.1. Stručna istraživanja, studije i monitoring

Zbog kompleksnosti zaštićenih područja i velike biološke raznolikosti kojima upravlja Javna ustanova, vršit će se prikupljanje podataka kao smjernice za daljnje upravljanje.

U 2017. godini, planirat će se sljedeće:

Program zaštite divljači. Na zaštićenim prirodnim područjima nalaze se produktivne površine koje osiguravaju uslove života, opstanka i razmnožavanja određenog broja divljači, te su potrebne kontinuirane intervencije usmjerene na gazdovanje ovom populacijom. Odlukom o izmjenama odluke o osnivanju lovišta na području Kantona Sarajevo definisano je da Kantonalna javna ustanova za zaštićena prirodna područja koja upravlja ustanovljenim zaštićenim prirodnim područjima, ima obavezu da gospodari sa divljači u skladu sa donesenim zakonima o zaštiti područja kojima upravlja, kao i u skladu sa odredbama Zakona o lovstvu ("Službene novine Federacije BiH", br. 4/06, 8/10 i 81/14).

Na osnovu podzakonskih dokumenata iz oblasti lovstva, Javna ustanova planira izradu i donošenje ovog planskog dokumenta za razdoblje od 10 godina, kojim će osigurati zaštitu osnovnih vrsta divljači, kao i brigu o drugim životinjskim vrstama koje obitavaju u prostoru.

Monitoring biodiverziteta Zaštićenog pejzaža „Bijambare“ je urađen u periodu 2009.-2010. godina od strane Šumarskog fakulteta Univerziteta u Sarajevu. U stručnom monitoringu je naglašeno da idući monitoring na oglednim plohama, koje su postavljene na livadskim i šumskim zajednicama kao i na tresetištu, nije potrebno raditi u narednih pet godina, tako da naredni monitoring planiramo realizovati u 2017. godini. Na ovaj način poređenjem pokazatelja evaluacije sa sigurnošću možemo uočiti eventualne promjene i procese unutar biljnih zajednica kao i eventualno potrebne sanacione mjere u daljem radu upravitelja.

U okviru navedenog planirane su aktivnosti na uspostavi i nastavku sljedećih monitoringa:

- Ispitivanje (monitoring) otpadnih voda: Spomenika prirode „Vrelo Bosne“ i Zaštićenog pejzaža „Bijambare“.
- Kontrola kvaliteta vode za piće: Zaštićeni pejzaž „Bijambare“ i Spomenik prirode „Skakavac“.
- Zdravstveni monitoring labudova i drugih rezidentnih vodenih vrsta ptica na području Spomenika prirode „Vrelo Bosne“.
- Ispitivanje (monitoring) zemljišta na području Spomenika prirode „Vrelo Bosne“.
- Inventarizacije gljiva u Zaštićenom pejzažu „Bijambare“.
- Monitoring šišmiša Zaštićenog pejzaža „Bijambare“- nastavak aktivnosti.
- Procjena zdravstvenog stanja šumskih ekosistema na zaštićenim prirodnim područjima.

4.2. Razvoj održivog turizma

Uvažavajući specifičnosti i ograničenja zaštićenih područja, kao i strateška opredjeljenja razvoja Kantona Sarajevo, razvoj zaštićenih područja zasniva se na konceptu održivog razvoja. Na zaštićenim područjima ne postoji organizovani oblik stacionarnog turizma. Javna ustanova ne provodi ugostiteljsku djelatnost. Program razvoja infrastrukture u zaštićenim područjima se zasniva prostornim planovima područja posebnih obilježja, planovima upravljanja zaštićenim područjima i projektovanim rješenjima po infrastrukturnim radovima.

4.2.1. Razvoj infrastrukture u zaštićenim područjima

U cilju unapređenja zaštićenih prirodnih područja javlja se potreba za pokretanjem aktivnosti koje bi vodile kvalitetnijoj uspostavi turističke infrastrukture uz očuvanje prirodnog naslijeđa i uvažavanje planiranih mjera zaštite koje su predviđene za pojedine zone zaštite. Dio aktivnosti koje su navedene, planirano je realizovati putem odobrenog projekta za koji je potpisan Ugovor o implementaciji odobrenih sredstava za sufinansiranje projekata zaštite prirode u Federaciji BiH sa Federalnim ministarstvom okoliša i turizma.

U 2017. godini su predviđene slijedeće aktivnosti:

- ↗ Nabavka sistema videonadzora i instaliranje istog na području Spomenika prirode "Vrelo Bosne" i Zaštićenog pejzaža "Trebević",
- ↗ Radovi na asfaltiranju Velike aleje,
- ↗ Adaptacija zgrade poslovnice na području Spomenika prirode "Vrelo Bosne".
- ↗ Sanacija asfaltne podloge, kao izvođenje radova na uređenju parking-prostora i autobusnog stajališta na prostoru Zaštićenog pejzaža „Bijambare“,
- ↗ Nabavka i ugradnja dječijeg igrališta i urbanog mobilijara za zaštićena prirodna područja,
- ↗ Nabavka i ugradnja šumskog mobilijara za zaštićena prirodna područja,
- ↗ Elektrifikacija na području Zaštićenog pejzaža "Bijambare",
- ↗ Rekonstrukcija – uređenje pješačke staze pod vodopadom Skakavac.

Tabelarni prikaz projekata/aktivnosti planiranih za realizaciju u 2017. godini

Odobreni projekti/aktivnosti	Somenik prirode „Skakavac“	Spomenik prirode „Vrelo Bosne“	Zaštićeni pejzaž „Trebević“	Zaštićeni pejzaž „Bijambare“
Razvoj turističke infrastrukture na prostorima zaštićenih prirodnih područja Kantona Sarajevo – sufinansiranje obezbijeđeno od Federalnog ministarstva okoliša i turizma	x	x	x	x
Inventarizacija, populacijski i zdravstveni status velikih zvijeri i drugih vrsta na području Spomenika prirode „Skakavac - sufinansiranje obezbijeđeno od Federalnog fonda za zaštitu okoliša	x			
Elektrifikacija na području Zaštićenog pejzaža "Bijambare", sufinansiranje obezbijeđeno od Vijeća ministara BiH				x
Aktivnosti na razvoju infrastrukture	Somenik prirode „Skakavac“	Spomenik prirode „Vrelo Bosne“	Zaštićeni pejzaž „Trebević“	Zaštićeni pejzaž „Bijambare“
Radovi na asfaltiranju ili radovi na zamjeni određenih dionica asfaltnog zastora Velike aleje		x		
Nabavka sistema videonadzora i instaliranje istog		x	x	
Sanacija rasvjete Bijambarske pećine				x
Utopljanje službenih prostorija (zamjena vanjske stolarije)				
Aktivnosti na uspostavi i nastavku pojedinačnih monitoringa	Spomenik prirode „Skakavac“	Spomenik prirode „Vrelo Bosne“	Zaštićeni pejzaž „Trebević“	Zaštićeni pejzaž „Bijambare“
Ispitivanje kvaliteta otpadnih voda		x		x
Mikrobiološka i fizičko-hemijska analiza vode za piće i analiza rezidualnog hlora i analiza površinskih voda	x			x

Ispitivanje zemljišta		x		
Zdravstveni monitoring labudova i drugih vodenih ptica		x		
Program zaštite divljači	x	x	x	x
Inventarizacije gljiva				x
Monitoring šišmiša				x
Monitoring biodiverziteta				x
Procjena zdravstvenog stanja šumskih ekosistema	x		x	x
Sanacija drvoreda u Velikoj aleji		x		
Aktivnosti na izradi novih idejnih i glavnih projekata	Spomenik prirode „Skakavac“	Spomenik prirode „Vrelo Bosne“	Zaštićeni pejzaž „Trebević“	Zaštićeni pejzaž „Bijambare“
Idejni projekat za uspostavu botaničke bašte			x	
Idejni projekat za izgradnju javnog wc-a i česme			x	
Glavni projekat za izgradnju pristupnih rampi za invalidne osobe		x		
Glavni projekat za izradu staze pod vodopadom	x			
Revizija plana upravljanja	x			

4.2.2. Održavanje infrastrukture u zaštićenim područjima

Tokom 2017. godine vršit će se održavanje infrastrukture u zaštićenim područjima prema prioritetima i finansijskim mogućnostima Javne ustanove a koji se odnose na sljedeće:

- usluge sanacije rasvjete u Srednjoj bijambarskoj pećini;
- radovi na sanaciji udarnih rupa na području Zaštićenog pejzaža „Trebević“;
- rekonstrukcija pješačke staze pod vodopad Skakavac;
- adaptacija zgrade poslovnice na području Spomenika prirode „Vrelo Bosne“

Pored održavanja infrastrukture, aktivnosti će se provoditi i na održavanju i sitnim popravkama pokretne i nepokretne imovine.

4.2.3. Obilježavanje značajnih ekoloških datuma na zaštićenim područjima

Javna ustanova potiče informisanje javnosti o zaštiti prirode i njezinom očuvanju putem medija, predavanja i izdavačke djelatnosti, te izvještava o prirodnim vrijednostima radi njihovog posjećivanja u cilju obrazovanja, razgledanja i rekreacije.

Radi promocije zaštite prirodnih vrijednosti Javna ustanova planirat će:

- organizaciju i izvedbu stručnih savjetovanja i drugih oblika podučavanja i promocije zaštite prirode,
- organizaciju, odnosno izradu različitih promotivnih materijala u vezi zaštite prirode i anketiranja posjetilaca,
- saradnju s ekološkim i drugim udruženjima, osnovnim i srednjim školama,
- saradnju s fakultetima i studentima.

U cilju promocije zaštićenih područja, Javna ustanova će i tokom 2017. godine, u saradnji s osnovnim i srednjim školama Kantona Sarajevo i drugim pravnim osobama kao i medijima, obilježavati prigodne datume organiziranjem odgojnih, obrazovnih, rekreativnih, stručnih i drugih aktivnosti kojima se na primjeren način potiču i promovišu zaštićena područja.

Kao i do sada, Javna ustanova planira obilježavanje važnih datuma za zaštitu prirode:

Planirani događaji
Svjetski dan šuma (21. mart),
Svjetski dan voda (22. mart),
Dan planete Zemlje (22. april),
Evropski dan parkova (24. maj),
Svjetski dan zaštite okoliša (5. juni),
Evropski dan bez automobila (21. septembar),
Eko-sajam na Bijambarama – septembar
Dan zaštite od požara- oktobar

4.3. Redovne aktivnosti

Pored programa i pojedinačnih projekata, Javna ustanova će nastaviti obavljati poslove i zadatke u okviru redovne djelatnosti koji se kao kontinuirani poslovi odvijaju kroz:

- ↗ evidentiranje i izvještavanje,
- ↗ izradu projekata,
- ↗ stručno obrazovanje i usavršavanje,
- ↗ pravne, ekonomske i opće poslove.

Javna ustanova tokom izvršavanja poslova i zadataka ostvaruje saradnju sa organima i institucijama na lokalnom, kantonalnom, federalnom i državnom nivou, a posebno sa Ministarstvom prostornog uređenja, građenja i zaštite okoliša Kantona Sarajevo koje Javnoj ustanovi pruža stručnu, savjetodavnu i finansijsku podršku. Također, ostvaruje saradnju sa javnim preduzećima, kantonalnim javnim komunalnim preduzećima, fizičkim i pravnim licima, udruženjima kao i sa lokalnom zajednicom zaštićenih područja.

4.3.1. Evidentiranje i izvještavanje

Javna ustanova na osnovu utvrđenih procedura ima sistem izvještavanja i način analize dobivenih informacija sa zaštićenih područja. Mjesečno se prikupljaju podaci po utvrđenim

obrascima i oblastima, te na osnovu prikupljenih informacija daju dalja usmjerenja u radu uposlenih. Javna ustanova je obavezna odgovarati na sve zahtjeve institucija i pojedinaca o informacijama koje su vezane za zaštićena područja.

Evidentiranje se, pored navedenog, bazira na nizu zakona i podzakonskih propisa koji neposredno ili posredno imaju uticaja na zaštićena područja.

4.3.2. Izrada projekata

Stručni kadar Javne ustanove će i tokom 2017. godine pratiti javne pozive za kandidovanje projekata iz oblasti zaštite prirode kao i nastavak angažmana na projektu edukacije koji je međunarodnog karaktera.

4.3.3. Stručno obrazovanje i usavršavanje

Obrazovanje i usavršavanje kadrova unutar Javne ustanove obezbijedit će se putem:

- ✎ unapređenja materijalno – tehničke opremljenosti i komunikacijskih resursa,
- ✎ stručnog usavršavanja,
- ✎ nabavke stručne literature,
- ✎ učešća u tematskim seminarima, konferencijama, radionicama i sl. u zemlji i inostranstvu,
- ✎ drugim edukativnim oblicima usavršavanja.

5.0

Naziv materijala: Godišnji obračun Javne ustanove za 2016. godinu

Nosilac pripreme: Javna ustanova

Rok za pripremu: mart 2017. godine

Organ koji razmatra: Nadzorni odbor/Upravni odbor

Kratak sadržaj:

Godišnji obračun Javne ustanove za 2016. godinu se podnosi za period 01.01.2016.-31.12.2016. godine i sastoji se od sljedećih završnih (godišnjih) izvještaja: računa prihoda i rashoda, bilansa stanja, izvještaja o kapitalnim izdacima i finansiranju, posebnih podataka o plaćama i broju zaposlenih, te godišnjeg izvještaja o izvršenju budžeta za 2016. godinu. Pravni osnov je sadržan u odredbama Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16) i Pravilnika o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije BiH“, broj 69/14).

6.0

Naziv programa: Izvještaj o radu i finansijskom poslovanju Javne ustanove za 2016. godinu.

Nosilac pripreme: Javna ustanova

Rok za pripremu: mart 2016. godine

Organ koji razmatra: Nadzorni odbor/Upravni odbor/Vlada Kantona Sarajevo/Skupština Kantona Sarajevo

Kratak sadržaj:

Izveštaj se podnosi za period 01.01.2016. - 31.12.2016. godine, a sastoji se od Izveštaja o radu Javne ustanove, Izveštaja o radu Upravnog odbora, Izveštaja o radu direktora i Izveštaja o finansijskom poslovanju. Pravni osnov je sadržan u odredbama Zakona o ustanovama („Službeni list RBiH“, br. 6/92, 8/93, 13/94), Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16), te Pravilnika o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, broj 69/14), Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“, br. 6/10, 32/11, 15/14) i Pravila Kantonalne javne ustanove za zaštićena prirodna područja.

7.0

Naziv materijala: Priprema materijala i organizacija sjednica organa upravljanja i organa nadzora

Nosilac pripreme: Javna ustanova

Rok za pripremu: Kontinuirano tokom godine

Organ koji razmatra: Upravni odbor /Nadzorni odbor

Kratak sadržaj:

Organ upravljanja i organ nadzora će kontinuirano tokom godine održavati sjednice na kojima će se razmatrati pitanja iz djelokruga rada. Javna ustanova će obezbijediti uslove za rad ovih organa i vršiti pravovremenu pripremu materijala i organizaciju sjednica na osnovu Zakona o ustanovama („Službeni list RBiH“, br., 6/92, 8/93, 13/94), Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“ br. 06/10, 32/11 i 15/14) i Pravila Kantonalne javne ustanove za zaštićena prirodna područja.

8.0

Naziv materijala: Nacrt programa rada Javne ustanove za 2018. godinu

Nosilac pripreme: Javna ustanova

Rok za pripremu: decembar 2017. godine

Organ koji razmatra: Nadzorni odbor/Upravni odbor

Kratak sadržaj:

Program rada je iskazan kroz uvodni dio, normativni dio, tematski dio i kontinuirani poslovi u skladu s Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 29/12). Pravni osnov za izradu Programa rada Kantonalne javne ustanove za zaštićena prirodna područja sadržan je u odredbama Zakona o ustanovama („Službeni list RBiH“, br. 6/92, 8/93 i 13/94), kao i u drugim zakonskim i podzakonskim aktima.

Javna ustanova će informisati Upravni odbor o toku realizacije aktivnosti koje su predviđene ovim programom rada.

Javna ustanova se finansira iz sredstava Budžeta Kantona Sarajevo i iz vlastitih prihoda, tako da planiramo da će na osnovu tih sredstava biti realizovane aktivnosti predviđene Programom rada. Drugi izvori finansiranja Javne ustanove su projekti koje kandiduje prema institucijama na općinskom, gradskom, kantonalnom i federalnom nivou. Sastavni dio ovog programa rada je Finansijski plan koji je usklađen sa programskim aktivnostima



**Predsjednica
Upravnog odbora**

Sanja Isanović, dipl.ecc

Broj: 387 U.O./17

Sarajevo, 03.05.2017. godine

9.0. Finansijski Plan Kantonalne javne ustanove za zaštićena prirodna područja za 2017. godinu

Na osnovu člana 27. Zakona o ustanovama („Službeni list R BiH“, br. 6/92, 8/93 i 13/94), člana 26. Pravila Kantonalne javne ustanove za zaštićena prirodna područja i odredbi Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 29/12), Upravni odbor Kantonalne javne ustanove za zaštićena prirodna područja na petoj redovnoj sjednici održanoj dana 03.05.2017. godine donio je

FINANSIJSKI PLAN KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2017. GODINU

Finansijski plan Kantonalne javne ustanove za zaštićena prirodna područja za 2017. godinu predložen je za realizaciju Programa rada za 2017. godinu.

Ovim planom predviđaju se sredstva potrebna za realizaciju Programa rada i isti je sačinjen u skladu realno raspoloživim sredstavima iz kojih se finansiraju iskazane potrebe.

Program rada i finansijski plan Kantonalne javne ustanove za zaštićena prirodna područja za 2017. godinu se mogu mijenjati i dopunjavati u skladu sa Zakonom

Ekonomski kod	O P I S	Budžet KS za 2017. godinu	Od toga iz Budžeta	Od toga iz prihoda korisnika	Procjena Budžeta za 2018. godinu	Procjena Budžeta za 2019. godinu
	TEKUĆI IZDACI JAVNE USTANOVE	967.200,00	695.900,00	271.300,00	967.200,00	967.200,00
611000	Plaće i naknade troškova zaposlenih	575.100,00	515.100,00	60.000,00	575.100,00	575.100,00
611100	Bruto plaće i naknade	469.900,00	409.900,00	60.000,00	469.900,00	469.900,00
611200	Naknade troškova zaposlenih	105.200,00	105.200,00		105.200,00	105.200,00
612000	DOPRINOSI POSLODAVCA	49.400,00	49.400,00	0,00	49.400,00	49.400,00
612100	Doprinosi poslodavca	49.400,00	49.400,00		49.400,00	49.400,00
613000	IZDACI ZA MATERIJAL I USLUGE	342.700,00	131.400,00	211.300,00	342.700,00	342.700,00
613100	Putni troškovi	3.000,00	500,00	2.500,00	3.000,00	3.000,00
613200	Izdaci za energiju	10.700,00	6.400,00	4.300,00	10.700,00	10.700,00
613300	Izdaci za komunalne usluge	15.300,00	3.000,00	12.300,00	15.300,00	15.300,00
613400	Nabavka materijala	30.000,00		30.000,00	30.000,00	30.000,00
613500	Izdaci za prevoz i gorivo	15.000,00	6.700,00	8.300,00	15.000,00	15.000,00
613600	Unajmljivanje imovine i opreme	22.600,00	21.500,00	1.100,00	22.600,00	22.600,00
613700	Izdaci za tekuće održavanje	55.000,00	3.000,00	52.000,00	55.000,00	55.000,00
613800	Izdaci osiguranja, bankarskih usluga i usluga platnog prometa	7.000,00	5.300,00	1.700,00	7.000,00	7.000,00
	Ugovorene i druge posebne usluge	180.000,00	80.900,00	99.100,00	180.000,00	180.000,00
613900	Posebna naknada na dohodak za zaštitu od prirodnih i drugih nepogoda	1.500,00	1.500,00		1.500,00	1.500,00
	Posebna naknada za podsticanje rehabilitacije i zapošljavanja osoba sa invaliditetom	2.600,00	2.600,00		2.600,00	2.600,00
614000	TEKUĆI TRANSFERI	100,00	100,00	0,00	100,00	100,00
614800	Drugi tekući transferi- sudske presude po tužbama uposlenika KS	100,00	100,00		100,00	100,00
	NABAVKA STALNIH SREDSTAVA	405.800,00	0,00	405.800,00	405.800,00	405.800,00
821300	NABAVKA OPREME	175.000,00		175.000,00	175.000,00	175.000,00
821600	REKONSTRUKCIJA I INVESTICIONO ODRŽAVANJE	230.800,00		230.800,00	230.800,00	230.800,00
U K U P N O :		1.373.000,00	696.000,00	677.100,00	1.373.000,00	1.373.000,00

TABELARNI PREGLED ANALITIKE UTROŠKA SREDSTAVA

OBRAZLOŽENJE

utroška odobrenih sredstava iz Budžeta Kantona Sarajevo i sopstvenih prihoda za 2017. godinu

611100 – Bruto plaće i naknade

469.900,00 KM

Predložen i usvojen u Budžetu Kantona Sarajevo za 2017. godinu je iznos izdataka za bruto plaće i naknade uposlenih u Javnoj ustanovi za 2017. godinu u iznosu od 469.900,00 KM (od kojih je 409.900,00 KM obezbijeđeno iz Budžeta KS a 60.000,00 od vlastitih prihoda) za ukupno 29 uposlenika.

Plaće uposlenika obračunate su u skladu s Pravilnikom o plaćama i naknadama uposlenika Kantonalne javne ustanove za zaštićena prirodna područja broj: 192/12 od 29.03.2012. godine.

Doprinosi na teret uposlenih obračunati su prema zakonskim propisima.

611200 – Naknade troškova uposlenih	105.200,00 KM
611211 YBA001 - Naknade troškova prevoza na posao i sa posla	23.400,00 KM
611221 YBA002 - Naknade za topli obrok	69.600,00 KM
611224 YBA003 - Naknade za regres za godišnji odmor	9.000,00 KM
611225 YBA004 - Otpremnine zbog odlaska u penziju	0,00 KM
611227 YBA005 - Naknade u slučaju smrti i teže invalidnosti	3.200,00 KM

Naknade troškova uposlenih u Javnoj ustanovi planirane su u iznosu od 105.200,00 KM i uključuju naknade za prevoz sa posla i na posao (u iznosu od 23.400,00 KM), naknade za topli obrok (u iznosu od 69.600,00 KM), naknade za regres za godišnji odmor (u iznosu od 9.000,00 KM) i naknade u slučaju smrti ili teže invalidnosti (u iznosu od 3.200,00 KM).

Navedeni troškovi su planirani na bazi pozitivnih zakonskih propisa i podzakonskih akata kojima se reguliše obim navedenih poslova.

612100 – Doprinosi poslodavca	49.400,00 KM
--------------------------------------	---------------------

Ovaj nivo sredstava odnosi se na izmirivanje obaveza poslodavca po osnovu doprinosa za uposlenike Ustanove.

613100 – Putni troškovi	3.000,00 KM
--------------------------------	--------------------

Naknade za putne troškove planirane su u iznosu od 3.000 KM (od kojih je 500,00 KM osigurano iz Budžeta KS, a 2.500,00 KM iz vlastitih prihoda).

Planirani iznos će se utrošiti u studijske posjete predviđene za razmjenu iskustava i prenosa pozitivne i uspješne poslovne prakse u upravljanju zaštićenim područjima, kao i održavanje partnerskih konferencija vezanih za realizaciju projekata prekogranične saradnje.

613200 - Izdaci za energiju	10.700,00 KM
------------------------------------	---------------------

Planirani iznos izdataka na ovom ekonomskom kodu je 10.700,00 KM (od kojih je 6.400,00 KM obezbijeđeno iz Budžeta KS, a preostali iznos od 4.300,00 KM će se obezbijediti iz vlastitih prihoda) uz maksimalnu racionalnost korištenja energenata.

Planirani iznos bi trebao osigurati izmirenje svih troškova nastalih utroškom električne energije u 2017. godini, ali istim nije planirano eventualno povećanje cijena električne energije.

613300 – Izdaci za komunalne usluge

15.300,00 KM

Odobreni iznos na ovom ekonomskom kodu podržava minimalne potrebe Javne ustanove za komunalnim uslugama za kojima će se ukazati potreba u zgradi direkcije, zgradi poslovnice i samom području Spomenika prirode „Vrelo Bosne“, Informativno-edukacionim centru i samom području Zaštićenog pejzaža „Bijambare“ kao i komunalnim uslugama za kojima će se ukazati potreba tokom 2017. godine na području Spomenika prirode „Skakavac“ i Zaštićenog pejzaža „Trebević“.

Ovaj iznos je odobren u skladu sa trenutnim cijenama komunalnih usluga i ne podržava povećanje cijena istih.

Planirani iznos sredstava na ovom ekonomskom kodu je 15.300,00 KM od kojih će se 3.000,00 KM obezbijediti iz Budžeta Kantona Sarajevo za 2017. godinu, a iznos od 12.300,00 KM će se obezbijediti iz vlastitih prihoda.

613400 – Nabavka materijala

30.000,00 KM

Za nabavku materijala u 2017. godini utvrđen je iznos od 30.000,00 KM i obezbijedit će se u cijelosti iz vlastitih prihoda.

Izdaci za nabavku materijala se odnose na nabavku ulaznica, karti i drugog štampanog i promotivnog materijala, kancelarijskog materijala i tonera, materijala za održavanje higijene, sitnog inventara, materijala za popravku i održavanje službenih vozila i opreme, građevinskog

materijala, nabavku i isporuku službenih uniformi, HTZ opreme i ostale zaštitne opreme, kao i sredstava za zaštitu šuma.

613500 – Izdaci za usluge prevoza i goriva

15.000,00 KM

Za usluge prevoza i goriva u 2017. godini odobren je iznos od 15.000,00 KM, a odnosi se na nabavku nafte i naftnih derivata za službena vozila, traktore i opremu za održavanje zaštićenih područja kojima Ustanova upravlja, kao i ostale usluge za kojima se iskaže realna potreba tokom 2017. godine.

Ovaj iznos sredstava je odobren u skladu sa pretpostavljenim minimalnim potrebama Javne ustanove za 2017. godinu.

Iz Budžeta KS će se za ovaj ekonomski kod obezbijediti iznos od 6.700,00 KM, a iz vlastitih prihoda će se obezbijediti iznos od 8.300,00 KM.

613600 – Unajmljivanje imovine i opreme

22.600,00 KM

Na ovom ekonomskom kodu planiran je iznos od 22.600,00 KM. Iz Budžeta Kantona Sarajevo će se obezbijediti iznos od 21.500,00 KM, a preostali iznos od 1.100,00 KM će se obezbijediti iz vlastitih prihoda.

Navedeni izdaci se odnose na zakupninu službenih prostorija kao i na zakup jednog parking-mjesta za službeno vozilo.

613700 – Izdaci za tekuće održavanje

55.000,00 KM

Na ovoj ekonomskoj poziciji odobren je iznos novčanih sredstava od 55.000,00 KM, od toga iz sredstava Budžeta 3.000,00 KM, a 52.000,00 KM iz sopstvenih prihoda.

Ovi izdaci se odnose na redovno održavanje zgrada, službenih vozila, turističkog voza na elektropogon, traktora i priključaka za komunalne traktore, vatrogasne opreme, računara i računarske opreme, fiskalnih kasa, bicikala i druge opreme neophodne za održavanje zaštićenih područja i kontinuirano poslovanje Ustanove.

Sredstva sa ovog ekonomskog koda će se utrošiti i na:

- sanaciju drvoreda u Velikoj aleji;
- sanaciju rasvjete u Srednjoj bijambarskoj pećini.

613800 – Izdaci osiguranja, bankarskih usluga i usluga platnog prometa

7.000,00 KM

Odobreni iznos je neophodan za realizaciju obaveza poslodavca po pitanju osiguranja uposlenika, objekata od rizika požara, krađe i razbojništva, osiguranje službenih vozila, traktora, turističkog voza na elektropogon, opreme i ostale imovine.

Iznos od 5.300,00 KM na ovom ekonomskom kodu je obezbijeđen iz Budžeta Kantona Sarajevo, a iznos od 1.700,00 KM će se obezbijediti iz vlastitih prihoda.

613900 – Ugovorene i druge posebne usluge

180.000,00 KM

Odobreni iznos sredstava na ovom ekonomskom kodu je 180.000,00 KM. Iznos od 80.900,00 KM će se obezbijediti iz Budžeta KS, a preostali iznos od 99.100 KM će se obezbijediti iz prihoda korisnika (49.100,00 KM iz vlastitih prihoda a iznos od 50.000,00 KM iz donacija od pravnih lica).

Iznos od 80.000,00 KM će se utrošiti na plaćanje PDV-a po osnovu naplate ulaza i drugih usluga na zaštićenim područjima. Ostatak sredstava planiran na ovom ekonomskom kodu će se utrošiti na plaćanje naknada za ugovore o privremenim povremenim poslovima osoba koje će se angažovati u Javnoj ustanovi po osnovu projekata Službe za zapošljavanje KS, izdatke za naknade Upravnom i Nadzornom odboru sa pripadajućim porezima. Sa navedenog ekonomskog koda izvršiće se plaćanje sljedećih usluga: monitoring otpadnih voda, mikrobiološka i fizičko-hemijska analiza vode za piće i analiza rezidualnog hlora, analiza površinskih voda, ispitivanje zemljišta, zdravstveni monitoring labudova i drugih vodenih ptica, usluge generalnog čišćenja i crpljenja otpadne vode iz šahtova bioprečistača, monitoring šišmiša, usluge inventarizacije gljiva

u Zaštićenom pejzažu „Bijambare“, usluge procjene zdravstvenog stanja šuma, usluge izrade elaborata i glavnih projekata, usluge izrade idejnog projekta za uspostavu botaničke bašte na području Zaštićenog pejzaža „Trebević“, usluge stručnog obrazovanja, edukacije i usavršavanja, usluge medicinskog obezbjeđenja manifestacija.

821300 – Nabavka opreme

175.000,00 KM

Izdaci na ovom ekonomskom kodu utvrđeni su u iznosu od 175.000,00 KM, iznos od 125.000,00 KM će se obezbijediti iz vlastitih prihoda, a iznos od 50.000,00 KM će se obezbijediti iz transfera na osnovu odobrenih projekata Ustanove.

ODOBRENI PROJEKTI:

1. Projekat „Inventarizacija, populacijski i zdravstveni status velikih zvjeri i drugih vrsta na području Spomenika prirode Skakavac“
 - nabavka telemetrijskih ogrlica i prateće opreme za GPS ogrlice;
 - nabavka kamera i fotoaparata za nadzor divljači (6 kom);
 - nabavka ostale opreme i sredstava za realizaciju projekta.
2. Projekat „Razvoj turističke infrastrukture na prostorima zaštićenih prirodnih područja Kantona Sarajevo“
 - nabavka i ugradnja dječijeg igrališta i urbanog mobilijara na zaštićenim prirodnim područjima;
 - nabavka, isporuka i ugradnja šumskog mobilijara na zaštićenim prirodnim područjima.
3. Projekat prekogranične saradnje Danube Trans National Programme ECO KARST
 - nabavka i ugradnja GIS softwarea.

OSTALO:

- nabavka i isporuka terenskog vozila;
- nabavka kompjutera, kompjuterke opreme i kopir-aparata;
- nabavka fiskalnih kasa (5 kom) za područja na kojima se vrši naplata ulaza i drugi sadržaji;
- nabavka kompresora i postavljanje ormarice za kompresor;
- uspostava sistema videonadzora na području Spomenika prirode „Vrelo Bosne“ i Zaštićenog pejzaža „Trebević“;
- nabavka priključaka za komunalni traktor;
- nabavka i ugradnja ulaznih vrata na Srednjoj bijambarskoj pećini;
- nabavka i isporuka opreme za protivpožarnu zaštitu.

Na ovu poziciju će se iz 2016. godine razgraničiti sredstva u iznosu od 68.762,00 KM i utrošit će se u nabavku opreme neophodne za bolje funkcionisanje upravljanja zaštićenim područjima.

821600 – Rekonstrukcija i investicijsko održavanje

230.800,00 KM

Izdaci na ovom ekonomskom kodu utvrđeni su u iznosu od 230.800,00 KM, a obezbijedit će se u cijelosti iz vlastitih prihoda Javne ustanove.

Sredstva koja su planirana na ovom ekonomskom kodu će se utrošiti na sljedeće projekte i aktivnosti Javne ustanove:

ODOBRENI PROJEKTI:

1. Projekat „Razvoj turističke infrastrukture na prostorima zaštićenih prirodnih područja Kantona Sarajevo“
 - rekonstrukcija pješačke staze pod vodopadom Skakavac (cca 4 km);

OSTALO:

- radovi na asfaltiranju Velike aleje;
- adaptacija zgrade poslovnice na području Spomenika prirode „Vrelo Bosne“;
- elektrifikacija Zaštićenog pejzaža „Bijambare“;
- radovi na utopljanju službenih prostorija Ustanove (zamjena vanjske stolarije);
- sanacija u Bijambarskoj pećini.

Na ovu poziciju će se iz 2016. godine razgraničiti sredstva u iznosu od 123.682,00 KM koja će se utrošiti na sanaciju nove putne komunikacije na području Spomenika prirode „Skakavac“ i sanaciju rasvjete na području Zaštićenog pejzaža „Bijambare“.

Broj: 382 U.O. /17
U Sarajevu, 03.05.2017. godine



**Predsjednica
Upravnog odbora**

Isanović Sanja dipl.ecc.

O B R A Z L O Ž E N J E

Pravni osnov:

Pravni osnov sadržan je u odredbama člana 27. Zakona o ustanovama („Službeni list R BiH“, br. 6/92, 8/93 i 13/94) kojim je propisano da „upravni odbor utvrđuje godišnji program rada“ i „donosi finansijski plan...“ i člana 26. Pravila Kantonalne javne ustanove za zaštićena prirodna područja, kojim se definiše da „upravni odbor utvrđuje godišnje programe rada“ i „donosi finansijski plan...“

Razlozi za donošenje:

Kantonalna javna ustanova za zaštićena prirodna područja je pripremila Prijedlog programa rada Ustanove za 2017. godinu prema metodologiji koja je utvrđena Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, br. 29/12 i 11/17).

U programu su navedene aktivnosti (normativne, tematske i kontinuirani poslovi) ove ustanove koje će se poduzimati i realizirati u tekućem periodu u okviru djelokruga rada.

Sastavni dio prijedloga Programa je i Finansijski plan za 2017. godinu koji je izrađen na bazi finansijskih sredstava utvrđenih Budžetom Kantona Sarajevo za 2017. godinu u razdjelu koji se odnosi Ustanovu.

Nakon što Upravni odbor razmotri i utvrdi Program rada Kantonalne javne ustanove za zaštićena prirodna područja i donese Finansijski plan Kantonalne javne ustanove za zaštićena prirodna područja za 2017. godinu, prednje navedeni dokumenti će se dostaviti Ministarstvu prostornog uređenja, građenja i zaštite okoliša Kantona Sarajevo kao resornom ministarstvu na znanje.

Na osnovu gore izloženog, predlaže se donošenje odluka kao u prilogu.

Prilog:

- Prijedlog odluke o utvrđivanju Programa rada Kantonalne javne ustanove za zaštićena prirodna područja za 2017. godinu;
- Prijedlog odluke o donošenju Finansijskog plana Kantonalne javne ustanove za zaštićena prirodna područja za 2017. godinu i
- Prijedlog programa rada sa finansijskim planom Kantonalne javne ustanove za zaštićena prirodna područja za 2017. godinu.

O B R A Z L O Ž E N J E

Pravni osnov:

Pravni osnov sadržan je u odredbama člana 27. Zakona o ustanovama („Službeni list R BiH“, br. 6/92, 8/93 i 13/94) kojim je propisano da „upravni odbor utvrđuje godišnji program rada“ i „donosi finansijski plan...“ i člana 26. Pravila Kantonalne javne ustanove za zaštićena prirodna područja, kojim se definiše da „upravni odbor utvrđuje godišnje programe rada“ i „donosi finansijski plan...“

Razlozi za donošenje:

Kantonalna javna ustanova za zaštićena prirodna područja je pripremila Prijedlog programa rada Ustanove za 2017. godinu prema metodologiji koja je utvrđena Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, br. 29/12 i 11/17).

U programu su navedene aktivnosti (normativne, tematske i kontinuirani poslovi) ove ustanove koje će se poduzimati i realizirati u tekućem periodu u okviru djelokruga rada.

Sastavni dio prijedloga Programa je i Finansijski plan za 2017. godinu koji je izrađen na bazi finansijskih sredstava utvrđenih Budžetom Kantona Sarajevo za 2017. godinu u razdjelu koji se odnosi Ustanovu.

Nakon što Upravni odbor razmotri i utvrdi Program rada Kantonalne javne ustanove za zaštićena prirodna područja i donese Finansijski plan Kantonalne javne ustanove za zaštićena prirodna područja za 2017. godinu, prednje navedeni dokumenti će se dostaviti Ministarstvu prostornog uređenja, građenja i zaštite okoliša Kantona Sarajevo kao resornom ministarstvu na znanje.

Na osnovu gore izloženog, predlaže se donošenje odluka kao u prilogu.

Prilog:

- Prijedlog odluke o utvrđivanju Programa rada Kantonalne javne ustanove za zaštićena prirodna područja za 2017. godinu;
- Prijedlog odluke o donošenju Finansijskog plana Kantonalne javne ustanove za zaštićena prirodna područja za 2017. godinu i
- Prijedlog programa rada sa finansijskim planom Kantonalne javne ustanove za zaštićena prirodna područja za 2017. godinu.